

পোয়া-মাইয়া অলর লাই বাইবেল
যে প্রকাশ গইজে

মাইনষর দুঃখর শুরু



যে লেইকে: Edward Hughes

যে ছবি আইকে: Byron Unger; Lazarus
Alastair Paterson

যে সম্পাদন গইজে: M. Maillot; Tammy S.

যে অনুবাদ গইজে: Adlina

যে পরিচালনা গইজে: Bible for Children
www.M1914.org

©2021 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার,
ইলেকট্রনিকস, রেকর্ড গরিবার আর ছবছ লেখিবার অনুমতি দন গেইয়ে।



বেক কিছু তৈয়ার গইরজেদে ঈশ্বর। পইল্লা
মানুষ আদমরে যেত্তে ঈশ্বর তৈয়ার গইজিল
হেত্তে আদম তার বউওরে লই এদন
বাগানের মইধ্যে থাইকত।




এডে ঈশ্বরের উপস্থিতি আর ঈশ্বরের প্রতি
ইতারা দুইজনর বাইধ্যতার আচরনত
আদম-হবার জীবন হই উঠিলদে আনন্দ
আর সুখময় কিন্তু একদিন...।



হাপ হবারে কইয়েদে
“ঈশ্বর কি তোয়ারারে বেক
গাছর ফল খাইতো মানা
গইজে?” হবা হাপর প্রশ্নর উত্তর
দিয়েনে কইয়ে দে “একখান গাছ
বাদে, বেবাক গাছর ফল আরা
খাইত পাইয়ুম”। যদি আরা
ঐ গাছর ফল খাই বা ধরি
তইলে আরা মরি যাইয়ুম”।



হাপ হাসিয়েনে
কইয়েদে, “তোয়ারা ন
মরিবা”। তোয়ারা ঈশ্বরের
নান হই উডিবা”। হবা ঐ
গাছর ফল পাড়ি লইয়ে।
ইবা শতানর কথা হনি
ফল খাইয়ে।



হবা ঈশ্বৰৰ অবাধ্য হইবার পর যে ফল
হবা খাইলো এই ফল আদমৰেও খাইত
দিইলো “আদমৰতুন কন উচিত আছিল”
না! আই ঈশ্বৰৰ কথাৰ অবাধ্য ন হইয়ুম।





যেতে আদম ও হবা পাপ গইজে এতে

ইতারা দুনোজন বুজিত পাইজে যে তারা লেগু। এই সমত
ইতারা ডুমুর গাছর পাতা দি জামা বানাইয়েনে নিজররে ঢাকি
লইয়ে আর ঈশ্বররতুন ফালাইয়েনে জঙ্গলর মইধ্যে লুকাইয়ে।




যেতে সইক্ষ্যার বাতাস বহিতো শুরু গইজে এতে ঈশ্বর
বাগানত আইসে। আদম ও হবা কি গইজে ইয়ুন
ঈশ্বর জাইনত। আদম হবারে দোষ দিয়ে ।
হবা হাপররে দোষ দিয়ে। ঈশ্বর কইয়ে, “হাপ
অভিশপ্ত”। মাইয়া পোয়ারে কইয়ে তুঁই
কষ্টর মইধ্য দিয়েনে বাইচা জন্ম দিবা”।



আদমর পাপর লাই মাডিৰে অভিশাপ দিয়েনে
কইয়ে আর মাডিত কেডাগাছ ও শিয়াল কেডা
জন্মাইবো। আৰাদিন বেশী কষ্ট গরি গাতুন ঘাম
ফেলাইয়েনে তুই তোয়ার খানা যোগাড় গরিবা।





ঈশ্বর আদম ও হবারে এই
অসম্ভব সুন্দর বাগানরতুন বাইর
গরি দিয়ে। তারার পাপর লাই
তারা জীবনদানকারী ঈশ্বরর তুন
আলাদা হই গিয়ে।





ঈশ্বর তারার দুনোজনের বাইরে
রাখিবারলাই একখান জ্বল-জ্বইল্লা কিরিস
তৈয়ার গইজে। আদম আর হবার লাই
ঈশ্বর চামড়ার কাপড় তৈয়ার গরি
দিয়ে। ঈশ্বর কোত্তুন
এই চামড়া লইয়ে?



এর মইধ্যে আদম আর হবার ঘরত কয়িন ও হেবল নামে দুয়া
পোয়ার জন্ম হইয়ে। পইল্লা পোয়া কয়িন জমির কাম গইত্তো।
আর ছোডো পোয়া হেবল ভেড়া ছাগল চরাইত। ঈশ্বর কয়িনদের
খামারর কামতুন বাইর গরি দিয়ে আর তাৰে

একদেশতুন আরেকদেশত

উদেশ্য ছাড়া

ঘুরি বেড়াইবার


শাস্তি দিয়ে।



একদিন কয়িন উপহার হিসাবে কিছু শাক আর সবজী ঈশ্বরর কাছে আইননিল। হেবল তার সবচেয়ে ভালা কয়েকগুয়া ভেড়াছল উপহার হিসাবে ঈশ্বরর কাছে আইননে। হেবলর উপহারে ঈশ্বর খুশী হইয়ে।



কয়িনর উপহাৰে ঈশ্বৰ খুশী ন হয়।
কয়িন খুব রাগ গইজে। কিন্তু ঈশ্বৰ
তাৰে কইয়েদে, “যদি তুই সঠিক কাম
গৰে তহিলে আঁই কি তোয়াৰ উপহাৰ
গ্রহণ ন গইজ্জম?”



এই কতায় কয়িনর রাগ ন কমে।
কিছুক্ষণ পরে মাডর মইধ্যে হেবলরে
আক্রমণ গরি মারি ফেলাইয়ে!



ঈশ্বর কয়িনরে কইয়েদে, “তোয়ার ভাই হেবল কডে?” কয়িন
মিচা গরি উত্তর দিয়ে, কইয়েদে “আই ন জানি।” “ইতি আরো
কইয়ে আই কি আর ভাইয়র রক্ষক?” ঈশ্বর কয়িনরে খামারর
দায়িত্বরতুন বাইর গরি দিয়ে আর তাৰে
একজন উদ্দেশ্যছাড়া ভবঘুরর নান
বানাই দিয়েনে শাস্তি দিয়ে।



কয়িন ঈশ্বরের সামনেরতুন বাইর হই চলি গইয়ে। ইবা আদম
আর হবর উগ্লা মাইয়ারে বিয়া গরি পরিবার গড়ি তুইল্লে। আন্তে
আন্তে কয়িনর গড়ি তুলা শহর ইবা তার
নাতি-পুতি অলরে লই ভরি উইটে।



এর মইধ্যে আদম ও হাবার পরিবারর মানুঘ
তাড়াতাড়ি বাড়ি যাইত লাইগ্লে। হেত্তিয়ার
মানুঘজন্য আজিয়ার দিনতুন বেশী দিন বাঁচি
থাইকতো।



যেতে তার পোয়া শেখর জন্ম হইয়ে, এতে হবা কইয়ে দে
“ঈশ্বর আরে হেবলর বদলে শেখরে দিয়ে।” শেখ
আছিলদে উগ্না ঈশ্বরভক্ত মানুষ। যে ৯১২ বছর বাঁচি
আছিল আর বোউত পোয়া মাইয়ার জন্ম দিয়ে।



দুনিয়ার মইধ্যে বংশর পর বংশ ধরি মানুষ বৃদ্ধি
পাইবার অংগে অংগে মাইনষর দুষ্টামি বাড়ি
যাইতো লাইগ্লে। শেষন্দি, ঈশ্বর বেয়াক
মানুষ আর পশু পাখীঅলরে শেষ গরি
দবারলাই সিধান্ত লইয়ে।



ঈশ্বর মানুষের তৈয়ার গইজে বলি
বেশী দুঃখ ও কষ্ট পাইয়ে, কিন্তু
উল্লা মানুষ ঈশ্বরেরে সন্তুষ্ট গইজিল।



এই মানুষ ইবা আছিলো দে নোহ। শেখোর
বংশধর নোহ খাঁটি আর ধার্মিক আছিলো।
ঈশ্বরের অংগে ইতার যোগাযোগ আছিলো।



ঈশ্বরের কথা হুনি চলিবারলাই নোহ তার পোয়া
মাইয়ারে শিক্ষা দিইল। এখন ঈশ্বর নোহরে অদ্ভুত
গরি আর অসাধারণ গরি ব্যবহার গরিবারলাই
পরিচালনা গইত্তো লাইগ্লে।



মাইনষর দুঃখর শুরু

ঈশ্বরর বাইক্য পবিত্র বাইবেলের তুন গল্পওয়া লওয়া
অইয়ে

গল্প ইবার মইদ্যে আছে দে

আদিপুস্তক ৩-৬ অধ্যায়

“তোঁয়ার বাইক্যই আঁর জীবনর আলোর কেবার (দরজা).”

গীতসংহিতা ১১৯:১৩০ পদ



শেষ



This Bible story tells us about our wonderful God who made us and who wants us to know Him.

God knows we have done bad things, which He calls sin. The punishment for sin is death, but God loves us so much He sent His Son, Jesus, to die on a Cross and be punished for our sins. Then Jesus came back to life and went home to Heaven! If you believe in Jesus and ask Him to forgive your sins, He will do it! He will come and live in you now, and you will live with Him forever.



If you want to turn from your sins,
say this to God:

Dear God, I believe that Jesus died for me and now lives again. Please come into my life and forgive my sins, so that I can have new life now, and one day go to be with You forever. Help me to live for You as Your child. Amen.

Read the Bible and talk with God every day! John 3:16

